



Iesu E Berita bwa E na Anganiira te Raunnano

Iesu Kristo e atai bwa Ana reirei a na kainnanao te karaunano imwiin Matena. Ngaia are E reireiniia taekan te Tamnei ae Raioiroi. E berita bwa te Tamnei ae Raioiroi e na karau nanoia ao e na raoniia n tainako. Teuana aran te Tamnei ae Raioiroi bon te Tia Karaunano. Ngkana ti maaku ke ni maroa, te Tamnei ae Raioiroi e kona ni buokiira n uringa ana tangira Iesu Kristo. ●

Ko kona ni wareka taekan te karaki aei n Ioane 14:1, 16-18, 26.

I KONA NI KARAU NANOIA AOMATA

Antai ae e kainnanao te karaunano?

Waaki ma te tataro ao baireia bwa tera ami anga ni buokiia.

Karaoa am babaire!



Korea te kaati aei ni kauringko bwa ko na bwaina te ibuobuoki n aron Iesu.



Tianu, tamau, ao Ngai ti anga burangketi nakon aia onaoraki ataei. Taan mwakuri n te onaoraki a taekinna bwa e na buokiia ataei te burangketi n aki manga namakina te maroa. I kukukrei bwa ara burangketi e na kaungaia ataei ao e na kakukureia. I bon kukurei naba iai ngai!

Savannah R., ana ririki 9, kain Texas, USA

Tera am anga ni buokiia tabeman, n aron are E karaoia Iesu? Koreaia ao tuangiira.

